

四庫全書

集部

欽定四庫全書

集部

文選卷四十一

詳校官庶吉士臣汪彥博

助教臣常循覆勘

總校官編修臣王燕緒

校對官中書臣吳紹昱

謄錄監生臣邱卿雲

欽定四庫全書

文選卷四十一

梁昭明太子蕭統編

唐李善呂延濟劉良張銑呂向李周翰注

書上

答蘇武書一首

李少卿

翰曰漢書云李陵字少卿天漢二年陵率步卒五千入塞與單于戰力屈乃

降匈奴中與蘇武相見武得歸爲

書與陵令歸漢陵作此書答之

子卿足下

善曰蔡邕獨斷曰陛下者羣臣與至尊言不敢指斥天子故呼在陛下者而告之因卑達

尊之意也及羣臣庶士相與言殿下閣下足下侍者執事之屬皆此類也

良曰子卿蘇武字古人貴呼其字

者字所以表德也

勤宣令德策名清時榮問休暢幸甚幸甚

善曰

左氏傳僖公二十三年狐突對晉惠公曰策名委質貳乃辟也策名謂君簡書臣之名清時謂昭帝之時小爾雅

曰非分而得謂之幸

向曰令善也

銑曰策立休美

暢通也清時謂清平之時保榮令問之德美通時君之

道遇之甚也再言之

遠託異國昔人所悲

善曰桓子新論雍門周鼓

琴見孟嘗君曰先生鼓琴亦能令悲乎對曰所能令悲

者遠赴絕國無相見期若此人者但聞飛鳥之號秋風

蕭條則心傷矣

望風懷想能不依依

翰曰望風謂遠望也依依愁思也

濟同善注

昔者不遺遠辱還答

良曰不遺舊情也陵前與蘇武書武有還答今陵又答

慰誨

勤勤有踰骨肉

向曰慰誨謂慰勞誨教也踰過也

陵雖不敏能不慨然

善曰孝經曰參不敏濟曰敏達也言雖不達事理豈不慨然歎其情深於人致此耶

自從初降

以至今日身之窮困獨坐愁苦終日無覩但見異類

善曰

家語孔子曰舜之爲君暢於異類王肅曰異類四方夷狄也

韋韝古韋豆

川幕莫以禦風雨

善曰說文曰韝臂衣也漢書董君綠韝傳韝注韝形如射韝以縛左右手於

事便也毳幙氈帳也氈曰韋皮也韝衣袖毳氈也唯以皮爲袖以氈爲幕也戎夷之服也

羶肉酪

漿以充飢渴

善曰烏孫公主歌曰肉爲食酪爲漿

舉目言笑誰與爲歡胡

地玄冰邊土慘裂

善曰說文曰慘毒也廣雅曰裂分也良曰冰厚故色玄土地也慘裂寒

之甚也

但聞悲風蕭條之聲涼秋九月塞外草衰夜不能

寐側耳遠聽胡笳互動牧馬悲鳴

善曰杜摯笳賦序曰笳者李伯陽入西戎

所作也傳玄笳賦序曰吹葉爲聲說文作葭毛詩曰駟駟壯馬

翰曰笳笛之類胡人吹之爲曲

吟嘯

成羣邊聲四起

向曰笳曲馬鳴鼓吹之屬

晨坐聽之不覺淚下嗟乎

子卿陵獨何心能不悲哉

銑曰自嗟而遠呼子卿也聞此之聲陵獨何以爲心而不

悲也

與子別後益復無聊

善曰賈逵國語注曰聊賴也

上念老母臨年

被戮妻子無辜竝爲鯨鯢

善曰左氏傳楚子曰古者明王伐不敬取其鯨鯢而封之

以爲大戮杜預曰鯨鯢大魚以喻不義之人吞食小國
濟曰武帝以陵降匈奴殺其母妻也鯨鯢魚名喻不
義以務身負國恩爲世所悲善曰背恩不報爲負恩也
吞食也

子歸受榮我畱受辱命也如何身出禮義之鄉而入無

知之俗

良曰禮義中國也無知謂匈奴

違棄君親之恩長爲蠻夷之域

良曰域國也

傷已令先君之嗣更成戎狄之族又自悲矣

善曰

先若謂其父當戶也卽廣之子

翰曰陵自傷

功大罪

小不蒙明察

向曰陵有戰功甚大爲罪亦小不蒙天子明察

孤負陵心區區之

意

銑曰國家孤負其心不意見誅母妻

每一念至忽然忘生

濟曰每念國家

不明察陵心忽然陵不難刺七心以自明刎粉頸以見

不知生之有生何志良曰難懼也顧國家於我已矣善曰王逸注離騷曰已矣絕望之辭

也翰曰顧念已止也言我雖欲自明念國家於我恩情止也殺身無益適足喻增羞

故每善本無攘臂忍辱輒復苟活善曰孟子曰馮婦善搏虎攘臂下車衆皆

悅之向曰攘奮也忍恥辱在匈奴中苟求於活左右之人見陵如此以爲不

入耳之歡來相勸勉異方之樂祇音支令人悲增忼怛耳

善曰爾雅曰忼憂也方言曰怛痛也銑曰在陵左右之人見陵憂情如此乃以音樂相勸勉也不入耳則不

樂也祇辭也忼怛內悲也嗟予子卿人之相知貴相知心前書倉卒

七 忽未盡所懷故復略而言之

濟曰略言之則下事也

昔先帝授陵

步卒五千出征絕域

善曰先帝謂武帝也時是漢昭帝時而言先謂武帝也

翰曰作書

絕域遠

五將失道陵獨遇戰

善曰漢書武紀曰天漢二年將軍李廣利出酒泉公

國也

孫敖出西河騎都尉李陵將步卒五千出居延時無五

將未審陵書之誤而武紀略之集表云臣以天漢二年

到塞外尋被詔書責臣不進臣輒引師前到浚稽山五

將失道詳此亦不云其名良曰五將謂軍將有五與

陵有期期不至故稱失而裹萬里之糧帥徒步之師曰

道獨遇匈奴與之合戰

師衆

出大漠

善本作天漢字

之外入彊胡之域

善曰漢書蕭何曰語天漢其稱

甚美臣瓚按流俗語曰天漢其言常以漢配天此美名也

以五千之衆對十萬之軍

銑曰匈奴軍有十萬也

策疲乏之兵當新羈之馬

善曰說文曰羈馬絡頭也

濟

曰疲勞倦也新羈之馬謂胡人驅散馬以被之羈以皮絡馬頭也

然猶斬將奪旗

居展追

奔逐北

善曰史記曰斬將奪旗之士臣瓚按拔取曰奪商君書曰戰勝逐北服虔漢書注曰師敗曰北

翰曰斬賊之將取賊之旗軍敗曰北賊敗走而陵軍逐之

滅跡埽塵斬其梟帥

善曰

張晏漢書注曰驍勇也若六博之梟如滅行跡埽塵則無跡矣梟帥謂賊之勇將而陵軍逐之

良曰殺敵之易

之使三軍之士視死如歸

善曰呂氏春秋管仲謂齊侯曰平原廣域車不結軌士不

旋踵鼓之使三軍之士視死如歸臣不如王子成父向曰謂得人心

陵也不才希當大

任善曰呂氏春秋淳于髡曰臣不肖不足以當大任

意謂此時功難堪

矣善曰說文作戡戡勝也此堪是地名今傳俗用濟曰堪勝也言此時功大難可勝比匈奴旣

敗舉國興師善曰劉兆穀梁注曰舉盡也翰曰匈奴旣爲陵所敗遂退盡其國中更起大軍以

敵更練精兵彊踰十萬單于臨陣親自合圍客主之形

旣不相如而步馬之勢又甚懸絕良曰陵入匈奴之境則匈奴爲主陵爲客

客旣不如主矣陵步卒匈奴馬騎步勢又相懸絕遠也疲兵再戰一以當千然猶

扶乘創初痛決命爭首善曰漢書曰陵與單于連戰士卒矢傷三創者載輦兩創者將

車一創者持兵向曰扶其創乘其痛以少敵衆見傷者多然士卒用命皆扶其創乘其痛爭爲先首而戰也

死傷積野餘不滿百銑曰餘兵不滿百人而皆扶病不任干戈濟曰

百人之中扶持創痛不堪戰也然陵振臂一呼創病皆起舉刃指虜胡

馬奔走

翰曰虜謂匈奴奔走猶懼威也

兵盡矢窮人無尺鐵猶復徒首

奮呼故爭爲先登

善曰徒空也言空首奮擊無復甲冑良曰窮亦盡也尺鐵兵器

向曰

徒空也言無兵器空首奮當此時也天地爲陵震怒戰

士爲陵飲血

善曰血卽淚也燕丹子曰太子獻歃飲淚濟曰飲血謂飲泣也

單于謂

陵不可復得便欲引還而賊臣教之遂便復戰故陵不

得

善本無得字

免耳

善曰賊臣謂管敢也李陵傳云軍候管敢爲軍旅候被校尉笞之五十乃亡入

匈奴于時匈奴與陵戰至塞恐漢有伏兵欲引還敗曰漢無伏兵匈奴因大進新兵陵戰蘭于山漢軍敗弓矢

竝盡陵於是遂降濟曰單于將爲與昔高皇帝以三
陵戰不復可得欲引兵還銑同善注

十萬衆困於平城當此之時猛將如雲謀臣如雨然猶

七日不食僅

其

乃得免

善曰史記曰高祖自將擊韓王信遂至平城爲匈奴所圍七日

不得食用陳平秘計始得免毛詩曰齊子歸止其從如

雲又曰其從如雨何休公羊注曰僅纔也翰同善注

如雲如

雨言多沉當陵者豈易爲力哉而執事者云云

善曰謂漢朝執

事之人也

良曰高祖尚如此沉當陵者苟怨陵以不

豈容易而致力也

向曰云云謂多言也

死然陵不死罪也

向曰以不死謂不以死力爲國也

濟曰言陵之不死亦是罪也亦有所

以子卿視陵豈偷生之士而惜死之人哉寧有背君親

捐妻子而反爲利者乎然陵不死有

善本有所字

爲也故欲

如前書之言報恩於國主耳

善曰李陵前與蘇子卿書云陵前爲子卿死之計所

以然者冀其驅醜虜纔然南馳故且屈以求伸若將不死功成事立則將上報厚恩下顯祖考之明也翰曰

陵前書云若將不死功成事立則將上報厚恩下明祖考此之是也誠以虛死不如立節

滅名不如報德也

善曰琴操曰重耳將自殺子犯曰申生虛死子復隨之

昔范蠡

不殉會稽之恥曹沫

亡貝

不死三敗之辱卒

子律

復句踐之

讎報魯國之羞區區之心竊慕此耳

善曰史記曰吳王發精卒擊越敗之

越王乃以餘兵五千人保棲於會稽句踐令大夫種行成於吳吳王赦越句踐自會稽七年撫循其士民吳王

北會諸侯於黃池范蠡曰可矣乃發兵伐吳吳師敗乃
請成於越後四年越復伐吳吳師敗吳王遂自殺又曰
曹沫者魯人以勇力事魯莊公爲魯將與齊戰三戰三
北莊公懼乃獻遂邑之地以和猶復以爲將齊桓公許
與魯會于柯桓公與莊公既盟于壇上曹沫執匕首劫
齊桓公桓公問曰子將何欲曹沫曰齊強魯弱而大國
侵魯亦已甚矣今魯城壞壓境君其圖之桓公乃許盡
還魯之侵地銑曰范蠡越之賢也吳王伐越越敗王
走於會稽山後七年用蠡計遂破吳是復勾踐之讎也
殉死也勾踐越王名曹沫與齊三戰三敗失其境土後
魯與齊盟曹沫以匕首劫桓公於壇上曰反所侵地桓
公許之於是遂得其地是報魯國之羞陵遂心慕此欲
爲漢何圖志未立而怨已成計未從而骨肉受刑善曰
報功

曰公孫敖捕得生口言陵教單于爲兵以備漢於是此
族陵家母弟妻子皆伏誅濟曰骨肉謂母與子

陵所以仰天推

直追

心而泣血也足下又云漢與功臣不

薄子爲漢臣安得不云爾乎

翰曰武與陵書云漢與功臣不薄武爲漢臣何得不

云如此其實薄也

昔蕭樊囚繫韓彭趙

善曰史記曰相國蕭何爲民請曰長安地

狹上林中多空棄地願令民得入田收藁無爲獸食上大怒曰相國多受賈人財物乃請吾苑遂下廷尉械繫之又曰高祖病有人惡樊噲黨於呂氏卽曰上一日宮車晏駕則噲欲以兵盡誅戚氏趙王如意之屬高祖大怒乃使陳平載絳侯代將而卽軍中斬噲陳平畏呂氏執噲詣長安又曰陳豨反韓信在長安欲應之事覺呂后使武士縛信斬於長樂鍾室又曰彭越反高祖赦之遷處蜀道著青衣行至鄭逢呂后從長安來越泣曰願處故昌邑后許諾旣至白上曰彭越壯士也今徙蜀自遺患不如誅之令其舍人告越反遂夷三族黥布傳薛

公曰前年醢彭越往年殺韓信鼂五臣本作晁錯受戮周魏

見辜

善曰漢書鄧公謂上曰錯患諸侯強大請削之地計畫始行卒受大戮漢書曰周勃爲丞相十餘月

上乃免丞相就國歲餘每河東尉守行縣至絳絳侯勃自畏恐誅常被甲令家人持兵以自衛其後人有上書告勃欲反下廷尉捕治之又曰竇嬰景帝時吳楚反拜嬰爲大將軍七國破封嬰爲魏其侯坐灌夫罵丞相田蚡不敬遂論嬰棄市向翰同善注其餘佐命立功之士賈誼亞夫之徒

皆信命世之才抱將相之具

善曰左氏傳曰太上有立德其次有立功漢書曰賈

誼洛陽人也年十八屬文稱於郡中河南太守吳公聞其秀才召置門下甚幸愛後文帝召爲博士爲絳灌馮敬之屬害之於是天子疎之以爲長沙王傳漢書曰周亞夫諫上不用因謝病免相亞夫子爲父買官尚方甲

脩五百被召詣廷尉責問曰君侯欲反乎亞夫曰所買乃葬器也何謂反乎吏侵之益急遂入廷尉不食五日歐血而死孟子注曰千年一聖五百年一賢賢聖未出其中

有命世者 銑曰佐命謂佐王命也

翰曰命名也

言其名流播於時代

而受小人之讒竝受禍敗之辱卒

子律

使懷才

受謗能不得

五臣本無得字

展彼二子之遐舉誰不爲之痛心

哉

善曰二子謂范蠡曹沫也言諸侯才能者被囚戮不如二子之能雲恥報功也

向曰文帝欲以賈誼任

公卿之位絳灌東陽侯馮敬之屬盡害之乃毀之曰洛陽之人少小初學專欲擅權於是天子疎之不用後出爲長沙王太傅梁孝王與周亞夫有隙孝王每朝常言其短景帝欲封皇后兄王信亞夫曰自高祖約非有功不得侯今信雖皇后兄無功侯之非約也後謝病免竟下獄歐血而死是不展周賈二子遠舉之才以得君代

誰不爲
痛心哉

陵先將軍功略蓋天地義勇冠三軍徒失貴臣

之意劉

古身絕域之表

善曰先將軍謂李廣也貴臣謂衛青也漢書曰元狩四年大將

軍衛青擊匈奴廣爲前將軍出塞捕虜知單于所居處乃自部精兵而令廣出東道東道迴遠廣辭曰臣結髮而與匈奴戰願居前大將軍不聽廣意畱愠怒引兵出東道惑失道後大將軍大將軍因問失道狀欲上書報天子廣未對大將軍長史忽責廣廣謂其麾下曰結髮與匈奴大小十餘戰今幸從大將軍出接單于兵而大將軍令廣部行迴遠又迷失道豈非天哉且廣年六十餘終不復對刀筆之吏遂引刀自剄音義鄭德曰以刀割頸爲剄姑鼎切良曰先將軍廣也功績謀略甚大可蓋於天地義勇冠出於三軍之上也翰曰同善注絕域遠國此善本無功臣義士所以負戟而長五臣本表外也此字

歎者也

銑曰功臣義士見有功者誅有才者死故負戟而長歎

何謂不薄哉

翰曰此國

家於功臣才子甚薄而武何為云不薄哉

且足下昔以單車之使適萬乘之

虜

遭時不遇至於伏劔不顧流離辛苦幾

依巨

死朔北之

野

善曰漢書曰漢遣蘇武以中郎將持節送匈奴使雷在漢者匈奴方欲使送武會匈奴緱王長水虞常反

匈奴中常以告武副使張勝勝許以貨物與常一人夜亡告之緱王等死虞常生得匈奴使衛律治其事張勝以告武武曰事如此必及我衛律召武受辭武謂惠等屈節辱命雖生何面目以歸漢引佩刀以自刺衛律驚自抱持武武氣絕半日復息乃徙武北海無人處濟曰武奉使入匈奴單車謂衆少萬乘謂兵甲多也虜者匈奴號也良

近也

丁年奉使皓首而歸

善曰丁年謂丁壯之年也漢書

曰武畱匈奴凡十九歲始以強壯
出及還鬢髮盡白
向曰同善注
老母終堂生妻去帷

五臣本作室字

善曰漢書陵謂武曰陵來時太夫人

已不幸陵送至陽陵子卿婦年少聞已更嫁

濟曰武

奉使既久母死妻嫁也去
室謂嫁也終堂謂母亡

此天下所希聞古今所未有

也蠻貊亡之人尚猶嘉子之節況爲天下之主乎

銑曰言匈奴

奴善武志節後得還漢況天
子爲天下之主而不知乎

陵謂足下當享茅土之薦

受千乘之賞

善曰尚書緯曰天子社東方青南方赤西

方土宜以白茅以爲社論語曰道千乘之國漢書曰兵
車千乘諸侯之大者
翰曰茅土千乘皆謂封諸侯之

事也享受
也薦進也
聞子之歸賜不過二百萬位不過典屬國
善曰

漢書曰元始六年武至京師拜爲典屬國秩中二千石賜錢二百萬向曰武自匈奴還賜錢二百萬今之二

千貫屬國無尺土之封加子之勤良曰勤勞也而妨功害能

之臣盡爲萬戶侯親戚貪佞之類悉爲廊廟宰濟曰謂帝室親

戚及貪財巧佞之臣廊廟貴士居處宰官也子尚如此陵復五臣本無復字何望哉

且漢厚誅陵以不死銑曰厚謂誅母也不死謂不爲國家盡死節薄賞子以

守節欲使遠聽之臣望風馳命此實難矣翰曰謂歸於漢也向曰

聽聞也所以每顧而不悔者也良曰每內顧雖身辱甚矣而不爲悔陵雖孤

恩漢亦負德善曰言陵無功以報漢爲孤恩漢戮陵母爲負德論語曰德不孤必有鄰濟曰力

屈而降則孤恩也漢
誅陵母亦負德也

昔人有言雖忠不烈視死如歸陵

誠能安而主豈復能眷眷乎

善曰言陵忠誠能安於死
事銑曰昔人雖有忠心

不能烈勇者尚能感節義視死如歸陵志
誠儻能安於此事主上豈能眷眷念陵也

男兒生以不

成名死則葬蠻夷中誰復

五臣本
無復字

能屈身稽顙還向北

闕

翰曰稽顙拜也北
闕天子所居也

使刀筆之吏弄其文墨耶

善曰史
記張釋

之曰秦任刀筆之吏又功臣曰蕭何徒持文墨顯居臣
上向曰刀筆之吏獄吏也安能使其弄文墨於我爲

辦對之
事耶

願足下勿復望陵

良曰勿復望
陵歸於漢

嗟乎子卿夫復

何言

濟曰自嘆而呼子卿也夫復何
言謂不復可言此畢竟之辭

相去萬里人絕路

殊生爲別世之人死爲異域之鬼長與足下生死辭矣

幸謝故人

善曰故人謂任立政大將軍霍光上官桀等
銑曰幸猶厚也言永別故人厚謝勤勤之

辭也勉事聖君足下脣子無恙勿以爲念

善曰漢書曰武
在匈奴時胡婦

生子名通國楚辭曰賴皇天之厚德兮還及君之無恙

銑曰勉勵以事聖君相勸戒義 翰曰脣子武之子

也武在匈奴中胡婦產一子勿以爲念言勿憂之

努力自愛

善曰老子曰
聖人自愛

時因

北風復惠德音

良曰上云人絕路殊故云北風以惠德
音謂使我聞道德之聲北風謂南風向

也北李陵頓首

報任少卿書

司馬子長

善曰漢書曰遷既被刑之後爲中書令尊寵任職故人益州刺史任安乃

與書責以進賢之義遷報之遷死後其書稍出史記曰任安榮陽人爲衛將軍後爲益州刺史向曰漢書云司馬遷字子長河內人也有良史才武帝將誅李陵母妻遷盛言李陵才器不可誅之後有讒遷與陵善故爲游說遂下獄受割刑後爲中書令修史記益州刺史任安字少卿與遷書責以進賢之義遷以此書報也

太史公牛馬走

善曰太史公遷父談也走猶僕也言以爲太史公掌牛馬之僕自謙之辭也

濟曰太史公遷之父走猶僕也言已爲太史公牛馬之僕蓋自卑之辭

司馬遷再拜言少

卿足下

善曰如淳曰少卿任安字也

曩者辱賜書

五臣本作書

教以順於

接物推賢進士爲務

善曰禮記曰儒有推賢而進翰

推讓賢才以進用士子爲務謂遷爲中書令

意氣懃懃懇懇

五臣本作勤懇勤懇字若不及

善曰懃懃懇懇忠款之貌也良曰情切之辭

若望僕不相師而用

善本作用而

流俗人之言僕非敢如此也

善曰蘇林曰而猶如也禮記曰不從流俗鄭玄曰流

俗失俗也

銑曰而如也言少卿書若怨望我不相師用以少卿勸戒之辭如流俗之人所言我非敢如此

僕雖罷

五臣本作疲字

駕奴

亦嘗側聞長者之遺風矣

善曰側聞謙辭

也列子曰吾側聞之禮記曰與長者坐必異席向曰疲極也駕鈍馬也自比之鈍馬謙也亦嘗耳聞長者之

遺風謂古賢人也

顧自以爲身殘處穢

濟曰殘謂被刑穢穢惡名也

動而見

尤

善曰言舉動必爲人之所尤過也

欲益反損是

善本有以字

獨鬱悒

邑而

誰與

善本作與誰

語

善曰鬱悒不通也楚辭曰獨鬱結其誰

而反損既不得志則與誰語此事

諺曰

銑曰諺言也古今相傳之言曰諺

誰爲

去聲爲之

孰令聽之

善曰誰爲猶爲誰也言已假欲爲善當爲誰爲之乎復欲誰聽之乎良曰少卿書教遷

推賢進士遷意云君非聖明動則有過爲誰爲之又令誰聽用我也孰誰也

蓋鍾子期死伯

牙終身不復鼓琴

善曰呂氏春秋曰伯牙鼓琴意在泰山鍾子期曰善哉巍巍若泰山俄而

志在流水子期曰善哉湯湯乎若流水子期死伯牙破琴絕絃終身不復鼓琴以爲世無賞音者

也鍾子期古之知音者伯牙善鼓琴鍾期知其妙鍾期既死則無人知音故不復鼓琴矣今君不明察是無知

音使我

何則士爲知己者用女爲悅己者容

善曰戰國策曰畢陽

之孫豫讓事知伯知伯寵之及趙襄子殺知伯豫讓逃山中曰嗟乎士爲知己者用女爲悅己者容吾其報知氏矣向曰何則謂自發問上事何則如此也士爲知於己心者必罄誠而爲之用女子爲愛於己貌者而飾其容今人不知我心不悅我道亦何所爲若僕大質已虧缺矣雖才懷隨和

行若由夷終不可以爲榮適足以見笑而自點耳

善曰隨隨

侯珠也和和氏璧也由許由也夷伯夷也點辱也

翰

曰大質身也虧缺爲被刑也雖才如懷隨侯之珠卞和之玉行若許由伯夷之貞潔何以爲榮足以見天下所笑自取點污耳書辭宜答會東從

才上來又迫賤事

善曰往前與我書書宜應答但有事故不獲答服虔曰從武帝還孟康曰

卑賤之事若煩務也如淳曰遷爲中書令任職常知中書時偶有賊盜之事晉灼曰賤事家之私事也濟曰

得少卿書詞宜卽答爲東從天子來故未也東東游也上天子良曰從天子來且復答書又迫於職掌事卑

各在相見日淺卒卒^七無須臾之間^閑得竭志意^{善曰}

一方卒卒促遽之意也間隙也良曰少卿相見時近卒卒無暇不得與書述志意也日淺謂時少也竭盡也

今少卿抱不測之罪涉旬月^{五臣本}迫季冬^{善曰如淳}

不肯報其書今安有不測之罪在獄故報往日書欲使其恕以度己也向曰安爲戾太子事囚於獄不測謂

生死不可知^銑僕又薄^博從上市^市雍恐卒然不可爲

諱雍紆共反善曰李奇曰薄迫也迫當從行難言其死故云不可諱翰曰薄迫也上天子也言又迫從

天子將祠祭於雍雍祠神所濟是僕終已不得舒憤
曰卒然言速也不可爲諱謂死也

懣門以曉左右

善曰廣雅曰懣悶也楚辭曰惟煩懣以盈胃銑曰恐安死未答書是我終身

不得中憤懣以曉明則長逝者魂魄私恨無窮

善曰謂少卿左右猶足下也

不見報也

良曰長逝者死也言不

請略陳固陋闕然

答書而少卿死私心之恨無窮也

久不報幸勿爲過

向曰固陋之志幸勿以爲過

僕聞之修身者智之

符

五臣本作府字

善曰符信也

愛施者仁之端也

銑曰端首也

取與者義之表也

翰曰取謂受惠與謂行德也

恥辱者勇之決也

善曰

勇士當於此而果決之
曰受恥辱者是勇者之決性

立名者行之極也

善曰凡人能立

志者行中
之最極也
士有此五者然後可以託於世而列於君子

之林矣

五臣本作也字
君子之德如林之茂盛

濟曰言

故禍莫憯慘

於欲利

悲莫痛於傷心

善曰所可憯者唯欲之與利為禍之極
也所可痛者唯傷心之事而可為悲也

良曰多欲而求利
者禍必至憯痛也

行莫醜於辱先

火

莫大於宮刑

善曰醜穢也先謂祖也詬音垢應劭曰詬恥也說文詬
或作詬火追切禮記儒行曰妄常以儒相詬病左氏傳

宋元公曰余不忍其詬尋此二書其訓頗同

銑曰辱
先代祖考謂遷被刑

濟曰遷
為大刑餘之人無所比數

自謂也

非一世也所從來遠

矣

翰曰刑餘之人不足比數非此一代然所
從來處乃遠言自古以來有之謂下文也

昔五臣本

衛靈公與雍渠同載孔子適陳

善曰家語曰孔子居衛月餘靈公與夫人同車

出令宦者雍渠參乘使孔子爲次乘遊過市孔子曰吾未見好德如好色於是恥之去衛過曹此言孔子適陳

未詳

向曰雍渠閹人載謂同車而行靈公與此商鞅閹人同車孔子爲次車孔子恥之去衛之陳也

因景監見一趙良寒心

善曰史記商君謂趙良曰我化秦孰與五殺大夫賢趙良曰五

殺大夫荆之鄙人也繆公知其賢舉之牛口之下加之百姓之上今君之見秦王也因嬖人景監以爲主非所以爲名也又趙高謂李斯曰釋此不從禍及子孫足爲寒心也良曰同善注寒心謂愧恥也

乘袁絲變色自古而恥之

善曰蘇林曰趙談也與遷父同諱故曰同子漢書曰上朝

東宮趙談參乘袁絲伏車前曰臣聞天子所與共六尺輿者皆天下豪英今漢雖乏人陛下獨奈何與刀鋸餘

同載於是上笑下趙談向曰同善夫中才之人事有

關於宦豎莫不傷氣而況於慷慨之士乎銑曰中才謂常才也事有

關於閹人皆且傷其氣類如今朝廷雖乏人奈何令刀

鋸之餘薦天下之善本無豪俊哉善曰史記履紹曰臣

良曰刀鋸宮割用刀也餘謂餘生選歎與宦豎僕賴

無異奈何得遣進賢士乎薦進也豪俊賢士也得待

先人緒業善曰廣雅曰緒末也司馬彪莊子注曰緒餘也濟曰先人祖考也緒餘也

罪輦轂下二十餘年矣銑曰常懼不繼先人之業若待罪譴也所以自惟

上之不能納忠效信有奇策才力之譽自結明主翰曰惟思

效用譽名也
結謂託奉也

次之又不能拾遺補闕招賢進能顯巖穴

之士

向曰拾國家遺失之事補國家闕亂之職巖穴士謂隱逸人也

外之

善本有又字

不能

備行伍攻城野戰有斬將奪

塞

旗之功

濟曰斬前敵之將拔前敵之旗

奪取也

下之不能積日累勞取尊官厚祿以爲宗族交游

光寵

向曰交游朋友也光美寵盛也

四者無一遂苟合取容無所短長

之效可見如此矣

善曰上之四事無一遂假欲苟合取容亦無其所也史記蔡澤曰吳起言

不苟合行不苟容

銑曰言上所述四者無一遂苟且

合時取容執事於國無損益之驗可見之志乃如此也

言無所堪

嚮

許亮

者僕亦

善本無亦字

常廁下大夫之列陪奉

矣效驗也

善本無外廷末議善曰臣瓚曰太史令千石故下大夫

者謂前者也謂未刑之時厠間也遷爲太史則大夫也

列次也濟曰陪奉羣官朝堂之餘議也外廷謂朝堂

也末不以此時引網維善本作盡思慮良曰不以下大

士也引舉也今已善本作虧形爲掃除之隸在闕臘茸

爾之中善曰闕茸猥賤也茸細毛也張揖訓詁以爲闕

僕也闕茸小人不肖之類也乃欲仰首伸眉論列是非

不亦輕朝廷羞當代善本作之士邪翰曰伸舉也言我

之中乃欲仰首舉眉論列是非意嗟乎嗟乎如僕尚何

言哉尚何言哉

銑曰痛恨之甚

且事本末未易明也

濟曰本末謂終始也

言凡事始終之理甚難預明

僕少負不羈之行長無鄉曲之譽

善曰不羈

言材質高遠不可羈繫也燕丹子夏扶曰士無鄉曲之譽未可以論行也

良曰遷自言性行不羈不可繫也

向曰時無知音故不知其才乃無善譽

主上幸以先人之故使得奏薄伎

出入周衛之中

善曰服虔曰薄伎薄才也周衛言宿衛周密也韋昭曰天子有宿衛之官

翰

曰先人謂遷父也故事奏進伎才也周衛謂朝廷也言天子幸以遷父之事繼爲太史得進薄才出入朝廷之中

僕以爲戴盆何以望天

善曰言人戴盆則不得望天望天則不得戴盆事不可兼

施言己方一心營職不假修人事也

故絕賓客之知亡室家之業日夜思

竭其不肖之才力

善曰禮記曰某之子不肖應劭風俗通曰生子不似父母曰不肖 銑曰

竭盡也不肖謂不才也言欲盡不才之力以成先人之業也

務一心營職以求親媚

於主上

善曰毛詩曰藹藹多士媚于天子 濟曰言而務一心專營其職求親愛於天子也媚愛也

事乃有大謬不然者夫

善曰夫語助也論語子曰有是夫 良曰主上不知此心有信

謬言卒見刑割事之始終難明不然者也夫助句也

僕與李陵俱居門下

翰曰謂同爲侍

中素非能相善也趨舍

異路

善曰太公六韜曰夫人皆有性趣舍不同願曰

趣所向也舍所廢也 向曰素心非能與陵相善好趨進退舍各異於路也

未嘗銜盃酒接

殷勤之餘歡然僕觀其爲人自守奇士

銑曰自守奇節之士事親

孝與士信臨財廉取與義

良曰廉清也言清不濫取取與必有義也

分別有

讓恭儉下人

翰曰下謂謙卑不爭

常思奮不顧身以徇國家之急

其素所蓄

丑積也

善曰言其意中舊所蓄積也濟曰以身從事曰徇素本也

僕以

爲有國士之風

善曰一國之中推而爲士

夫人臣出萬死不顧一生

之計赴公家之難斯以奇矣

善曰新序昭奚恤曰使皆赴湯火蹈白刃出萬死不

顧一生司馬子反在此

向曰奉天子命出邊不念計生事赴國家之患難此亦以奇節矣

今舉事

一不當

丁浪反迫降匈奴

銑曰謂陵事不當者也

而全軀保妻子之臣隨

而媒孽

魚列切善本作孽

其短僕誠私心痛之

善曰鄭玄周禮注曰舉猶行也

臣瓚以爲媒謂遵合會之孽謂生其罪疊也 翰曰朝臣能全養其身保愛妻子不能立適時之功而陵有此

一失乃隨後構結以生其短枉加誅戮誠私心所痛也 軀身也 媒猶構結也 藥生也

且李陵提步

卒不滿五千

善曰有五千言不滿者痛之甚也 良曰提執也

深踐戎馬之地

足歷王庭垂餌

二虎口

善曰胡地出馬故言戎馬單于所居之處號曰王庭 銑曰王

庭匈奴廷也 垂餌猶送食也

橫挑

徙鳥彊胡仰億萬之師

善曰說文曰挑相呼也 李

奇曰挑身獨戰不須衆挑茶弔切 臣瓚曰挑挑敵求戰也 古謂之致師北地高故曰仰

濟曰橫橫行挑弄引

之欲其戰也 仰謂遠望師衆也

與單于連戰十有餘日所殺過

平聲善本有半

字當

去聲 已過半

善曰顧野王決曰所殺過半當言陵軍殺向曰言陵軍兵少所殺匈奴倍多故曰

過當當敵也

虜救死扶傷不給

善曰顧野王決曰給供給也
翰曰言胡虜兵傷死多故

其救之扶之不能自濟

氈裘

善本作旃
裘二字

之君長咸震怖乃悉徵其

左右賢王舉引弓之人

善曰旃裘謂匈奴所服也故言
旃裘之君漢書曰匈奴至冒頓

最強大置左右賢王以其善射故曰引弓之人

其君長震驚恐懼乃盡徵其國內之士舉集善射之人

也氈裘言所服用也咸皆怖懼悉盡也左右一國共攻

賢王竝匈奴王之號引弓之人善射之人也

而圍之

良曰匈奴一國
共攻陵而圍之

轉鬪千里

良曰轉謂相
馳逐鬪戰也

矢盡

道窮救兵不至

銑曰救兵不至
謂五將失道也

士卒死傷如積子然李

善本無

陵一呼勞軍士

五臣本
有卒字

無不起

濟曰士卒傷者
爲陵撫勞無不

感而復起戰也

躬自流涕沫

音妹

血飲泣更

五臣本無更字

張空拳

摧善曰

孟康曰沫音類類古沫字言流血在面如鹽類也說文曰類洗面也李登聲類云拳或作捲此言兵已盡但張空拳以擊耳桓寬鹽鐵論曰陳勝無將帥之兵師旅之衆奮空捲而破百萬之軍何晏白起故事白起雖坑趙卒向使豫知必死則前驅空捲猶可畏也況三十萬被堅執銳乎顏師古曰讀爲拳者謬矣拳則屈指不當言張陵時矢盡故張弩之空弓非手拳也李奇曰拳弩弓也向曰躬謂李陵之身涕淚也血沾面曰沫淚入口曰飲翰曰張舉也言矢盡道窮人無

冒亡

白刃北嚮

許爭死敵者

翰曰北嚮謂向賊也爭死敵者謂爭勇死於前敵謂得於人心也

陵未沒

時使有來報漢公卿王侯皆奉觴上

市壽

善曰史記曰陵至浚稽山

使麾下騎陳步樂還以聞步樂召見道陵將得士死力上甚悅之濟曰言有使報漢謂報報剋捷也而羣臣皆

喜陵之功故賀天子奉觴後數史日陵敗書聞向曰聞上壽謂喜宴上天子酒也柱奏於天

子主上爲之食不甘味聽朝不怡翰曰怡悅也大臣憂懼不

知所出銑曰大僕竊不自料其卑賤見主上慘愴怛都

悼濟曰憂病也誠欲效其款款之愚善曰款款忠實之貌以向曰款款勤心款

爲李陵素與士大夫絕甘分少善曰孝經援神契曰母之於子絕少分甘宋均

曰少則自絕善本無死力雖古之名將不能

過也翰曰味之甘者絕而不食食之少者必與衆分而共也故得人死力也身雖陷敗彼

觀其意且欲得其當而報於漢

善曰張晏曰欲得相當也言欲立效以當罪而

報漢恩

良曰彼觀猶觀彼也言其意且欲取得其敵將報漢恩也當敵也

事已無可奈何

其所摧敗功亦足以暴

蒲

沃於天下矣

善曰謂摧破匈奴之兵其功足暴露

見於天下

銑曰謂不得已

濟曰言其得士卒死力

苦戰邊亭屢摧敗匈奴亦可以舒露於天下暴露也

僕懷欲陳之而未有路

向曰遷心懷此事欲陳於天子而未有便也

適會召

問卽以此指推言陵之功

翰曰此指謂於上所述陵功

欲以廣主上

之意塞

魚毗柴

解之辭

善曰言欲廣主上之意及塞羣臣睚眦之辭

向曰廣猶開也

睚眦怒貌

未能盡明明主不曉以爲僕沮

才貳師而爲李陵

游說

稅

遂下於理

善曰漢書曰初上遣貳師李廣利出令陵爲助兵及陵與單于相值而貳

師少功上以遷誣罔欲沮貳師而爲陵遊說下遷腐刑鄭玄禮記注曰理治獄官良曰猶未能盡明說之而

明王不曉察遷意也初天子遣貳師將軍李廣利陵爲將助兵及陵遇戰而貳師無功天子乃以遷誣罔欲沮

止貳師以成李陵而爲其拳拳立之忠終不能自列

游說遂下獄理謂獄官也 善曰 禮記子曰回得一善拳拳不失之矣鄭玄曰拳拳捧持之貌說文曰列分解也 翰曰拳拳勤誠也列猶分也

因爲誣上卒從吏議

善曰言衆吏議以爲誣上 翰曰 有司以遷爲誣罔天子終從獄吏

之議上謂天子也卒終也 家貧貨賂不足以自贖 向曰法百金贖死罪而遷家無之 交游莫救視 善本無 左右親近不爲一言身非木石獨

與法吏爲伍

銑曰伍對也

深幽圜圜之中誰可告愬者此真

少卿所親見僕行事豈不然乎

濟曰圜獄也

李陵旣生降顏

善本作墮

其家聲而僕又侁二之蠶室

善曰蘇林曰家世爲將有名陵降而墮之

也顏師古曰墮墜也如淳曰侁次也若人相次也人志切今諸本作茸字蘇林注景紀曰作密室廣大如蠶室

衛宏漢儀以爲置蠶宮今承諸法云詣蠶室與罪人從事主天下室者屬少府顏監云茸推也人勇切推置蠶

室之中

銑曰頽壞也頽壞家聲謂陵祖考皆名將而乃降故也侁次也蠶室漢行割刑之室使其避風養創

者言我又次之於此刑

重爲天下觀笑悲夫悲夫

良曰爲天下事所看而笑之

未易一二爲俗人言也

翰曰言此二事難爲俗人委曲而言者謂俗人不知也未易謂

難也一二僕之先五臣本非有五臣本剖符丹書之功

謂委曲也

有人字

有所字

善曰漢書曰漢初功臣剖符世爵又曰論功而定封訖於是申以丹書之信重以白馬之盟向曰先人謂遷父也剖符丹書皆漢之符契有功者執之遷言其父無此功也

文史星歷近乎卜祝之

間固主上所戲弄倡優所畜

許

流俗之所輕也

善曰說文倡樂

也左氏傳曰鮑氏之圉人爲優杜預曰俳優也銑曰遷父爲太史掌知天文律歷卜筮祠祝之事爲天子所戲弄如倡優女樂所畜以爲調戲者故人俗之所輕也假令僕伏法受誅若九牛

亡一毛與螻蟻何以異

善曰螻蟻蛄也蟻蚍蜉也皆蟲之微者故以自喻

濟曰遷刑

餘雖不死假令受誅死若九牛亡一毛不減而世俗其少命之輕賤與螻蟻不殊蓋恨俗所輕之也

善本無俗字

又不能與

善本作與能

死節者次比

善本無次比二字善曰與如

也言時人以我之死又不如能死節者言死無益也良曰言世人輕我見誅死亦不知君之不明枉見罪譴

不與死節王事者相比以哀惜也

特以爲智窮罪極不能自免卒就死

耳何也

翰曰特獨也免猶脫也卒終也言遷之死代人不知獨以遷爲智力窮盡罪累重極不能自脫

終就死耳何也者設疑以發下文也

素所自樹立使然也

翰曰遷自恨之甚故假云皆自

樹立使然也

人固有一死

善無下死字

或重於太山或輕於鴻

毛用之所趣異也

善曰燕丹子荆軻謂太子曰烈士之節死有重於太山有輕於鴻毛者但

問用之所在耳

銑曰人生必有一死若生不值明君不以義相及則命重於太山若遇明君臨之以義命則

輕如鴻毛故死則一
也用之所歸趣殊矣
太上不辱其次不辱身
濟曰太

一也辱先謂不忠於君是辱先人祖考辱
身謂忠於君君不見明察以見刑罰也
其次不辱理

色
善曰理道理也良
其次不辱辭令
善曰辭謂言辭

曰辭文辭
其次屈
善本作
體受辱
善曰詘體
其次易服

受辱
善曰易服謂著赭衣
向曰易
其次關木索
先被

皮篋之楚受辱
善曰漢書曰篋長五尺說文曰挂以杖

義篋之楚受辱
擊也篋與捶同以之笞人同謂之篋楚

篋楚皆杖木之名也
銑曰關木杻械
其次剔
他
毛髮

索繩也以拘縛之也
楚荆也
其次剔
狄
毛髮

嬰金鐵受辱
善曰謂髡也
謂髡刑繞金鐵謂鐐也
嬰繞也
其次毀肌

膚斷

短

支體受辱最下腐刑極矣

善曰謂肉刑也蘇林曰宮刑腐臭故曰腐

刑

良曰腐刑遷之所刑也極重也

傳曰刑不上

市

大夫此言士節不可

不勉勵也

善曰禮記文也東方朔別傳武帝問曰刑不上大夫何朔曰刑者所以止暴亂誅不義也

大夫者天下表儀萬人法則所以共承宗廟而安社稷也

翰曰傳謂禮也刑不上於大夫之任天子必擇賢者使居之天下儀表萬人法則刑所以禁小人故不上大夫也士君子不可以不勉勵

猛虎在深

山百獸震恐及在檻穽之中搖尾而求食積威約之漸

也

善曰周禮注曰穿地爲塹所以御禽獸其或超踰則陷焉尚書曰杜乃獲斂乃穽言威爲人制約漸積至

此銑曰檻圈也穽穿地爲坑以取猛獸也搖尾求食謂求矜以自免也遷自喻志節之士爲刑所加威力屈

折故士

善本無士字

有畫地爲牢勢不可入削木爲吏議不

可對定計於鮮

平聲也

善曰臣瓚曰以爲患吏刻暴雖以木爲吏期於不對此疾苛吏之辭

也文穎曰未遇刑自殺爲鮮明也

銑曰牢獄也勢不可入者謂形勢不可入也吏獄官也不可對者不可辨

也此惡苛刻也鮮明也言人當自決定計度於未萌以免於身不可對於獄吏也

今交手足受

木索暴肌膚受榜

薄行

箠幽於圜牆之中

善曰廣雅曰榜擊也圜牆獄也

周禮曰以圜土教罷民曰暴露榜擊也圜牆獄也

良

當此之時見獄吏則頭搶

良地視徒隸則正惕息

濟曰徒衆也隸奴也言旣被拘繫見衆奴之類則正容驚惕喘

息而以求自免何者積威

五臣本作畏

約之勢也

翰曰何爲如此者是積累畏懼制約

之勢使然也 及以至是言不辱者所謂彊顏耳曷足貴乎 向日

言人拘繫至此而言不足為辱者且西伯伯也拘於美

里善曰史記曰季歷卒子昌立是為西伯西伯文王也

崇侯虎譖西伯於殷紂曰西伯積善德諸侯皆嚮之

將不利於帝紂乃囚西伯於羑里王制曰九州之

長曰伯注曰伯長也 銑曰同善注羑里獄名

相也具於善本作五刑善曰史記曰李斯楚上蔡人也

用其計二十餘年竟并天下以斯為丞相二世立以郎

中趙高之譖乃具斯五刑腰斬咸陽漢書刑法志曰漢

興之初其大辟尚有夷三族之令曰當三族者皆先剗

斬左右趾笞殺之梟其首俎其骨肉於市其誹謗罵詛

者又斷舌故言具具謂五刑也

良曰李斯相秦為趙

高譖乃先行剗墨宮割臚等四刑而後大辟是具五刑

次定四事全書

文選

主

也淮陰王也受械於陳

善曰漢書曰韓信爲楚王都下邳信因行縣邑陳兵出入人有

上變告信欲反上聞患之用陳平謀僞遊雲夢信謁上於陳高祖令武士縛信載後車信曰果若人言狡兔死良狗烹上曰人告公反遂械信至雒陽赦以爲淮陰侯陳楚之西界也械謂桎梏也濟曰同善注陳猶徧也

言桎械徧於身也

彭越張敖南面稱孤繫獄抵罪

善曰史記曰高祖立彭越

爲梁王梁王稱疾上使使掩捕梁王囚之洛陽漢書曰趙王張耳高祖五年薨子敖嗣立尚高祖長女魯元公主七年高祖從平城過趙趙王旦暮自上食體甚卑有子壻之禮高祖箕踞罵詈甚慢之趙相貫高趙午說敖曰天下豪傑竝起能者先立今王事皇帝甚恭皇帝遇王無禮請爲殺之八年上從東垣過貫高等乃壁人柏人要之置廁上過欲宿心動問縣名爲何曰柏人上曰柏人者迫於人遂去貫高怨家知其謀反告之於是逮

捕趙王諸反者趙午十餘人皆自刎貫高獨怒罵曰誰令公等爲之今王實無謀反檻車與詣長安高下獄曰吾屬爲之王不知也翰曰彭越梁王高祖將誅陳豨徵兵於梁越稱病上捕之囚於洛陽張敖嗣父耳爲王人告其反捕繫之南面稱孤者絳侯誅諸呂權傾五伯皆言爲諸侯也抵罪猶伏罪

囚於請

五臣本作清字七淨切

室

善曰史記曰絳侯周勃與陳平謀誅諸呂而立孝文漢書曰周

勃爲丞相百餘日上乃免丞相就國每河東尉守行縣至絳勃自畏恐誅常披甲令家人持兵以自衛其後人有上書告勃欲反以廷尉捕治之漢書音義如淳曰請室請罪之室若今鍾下也向曰絳侯周勃也呂后崩諸呂欲危劉氏勃盡誅之立文帝五伯古之齊桓公晉文公之輩言絳侯權勢傾之言盛於彼也後有告絳侯謀反者遂囚於清魏其大將也衣赭衣
五臣本無關三下衣字

木

善曰三木在項及手足也漢書曰竇嬰景帝時吳楚反拜嬰爲大將軍七國破封嬰爲魏其侯坐灌夫罵

丞相田蚡不敬遂論嬰棄市周禮曰上罪桎梏而桎應劭漢書注曰在手曰桎兩手同械曰梏在足曰桎韋昭曰桎兩手合也梏音告拳音拱桎之栗切銑曰魏其竇嬰也赭赤色也罪人之服關穿三木謂桎械枷也

季布爲朱家鉗奴

善曰漢書曰季布楚人也爲任俠有名項籍使爲將數窘漢王項籍滅高

祖購求布千金敢舍匿者罪三族布匿於濮陽周氏周氏曰漢求將軍急臣敢進計布許之迺髡鉗布衣褐置廣柳車中與其家僮數十人之魯朱家賣之朱家心知季布也買置田舍乃之雒陽見汝陰滕公說曰季布何罪臣各爲其主耳君何不從容爲上言之滕公許諾侍間果言如朱家事上乃赦布召見謝拜郎中濟曰同善灌夫受辱於居室

善曰漢書灌夫字仲孺潁陰人也爲太僕時坐與衛尉竇苴飲輕重

不得徒爲燕相及竇嬰失勢兩人相引重夫過丞相田蚡蚡曰吾欲與仲孺過魏其侯會孺有服夫曰將軍過肯幸臨安敢以爲辭請語魏其侯張具將軍旦日蚤臨之蚡許諾夫以語嬰嬰益牛酒夜洒掃張具自旦候伺至日中蚡不來夫不懌夫乃自往迎之蚡尚臥駕往又徐行夫益怒遂以爲隙元光四年蚡取燕王女爲夫人太后詔曰列侯宗室皆往賀嬰爲壽夫行酒至蚡蚡半膝席曰不能滿觴夫怒乃嘻言曰將軍貴人也畢之時蚡不肯行酒次至臨汝侯灌賢方與程不識耳語又不避席夫無所發怒乃罵賢曰生毀程不識不直一錢今日長者爲壽迺效兒女曹咕囁耳語蚡謂夫曰今衆辱程將軍仲孺獨不爲李將軍地乎夫曰今日斬頭穴眚何知程李乎乃起蚡遂怒曰此吾驕灌夫罪也籍福起爲謝按夫項令謝夫愈怒不肯謝蚡乃麾騎縛夫置傳舍長史曰今日召宗室有詔劾灌夫罵坐不敬繫於居室如淳曰百官表居室爲保宮今守宮也濟曰丞相

田蚡娶燕王女爲夫人太后詔列侯宗室皆往賀之灌夫爲丞相所怒乃縛之以其罵坐不敬繫於居室居室田蚡所居此人皆身至王侯將相聲聞鄰國向曰此人謂上從西

伯下至灌夫九人也及罪至罔加不能引決自裁在塵埃之中古

今一體安在其不辱也

翰曰罔猶法也言不能引志決烈以自裁毀免在於拘執之中

此古今一理人亦何在於不辱也塵埃猶拘繫也安何也由此言之勇怯勢也彊弱

形也審矣何足怪乎

善曰孫子兵法曰治亂數也勇怯勢也彊弱形也向曰勇怯彊弱

皆形勢也勢彊則勇形弱則怯此亦人情共所知亦何怪也

夫人不能早

善本有自字裁

繩墨之外

銑曰言不能自裁早至亡滅以出獄吏繩墨之外

以稍陵遲至於鞭

筭之間乃欲引節斯不亦遠乎

濟曰不能早自裁以出繩墨而稍遲疑則至鞭

杖欲引節槩此

古人所以重施刑於

五臣本

大夫者殆

不亦遠於知幾

無於

爲此也

良曰重猶難也言大夫明於事理故難加刑近爲此汚辱殆近也

夫人情

五臣本無

情莫不貪生惡死念父母顧妻子至激於義理者不然

乃有所不得已也

善曰言激於義理者則不念父母顧妻子也

不貪生念顧者義不得已也

今僕不幸早失父母無兄弟之親獨身

孤立少卿視僕於妻子何如哉

善曰言已輕妻子故反問之

弟已喪無可念矣視我於妻子如何哉言何足顧也

且勇者不必死節

善曰言勇烈之人不

必死於名節也造次自裁耳銑曰怯夫慕義何處不

勇者不必知義理故不必爲人死節怯夫慕義何處不

勉焉善曰言怯夫慕義以自立名何處不勉於死哉言

僕雖怯懦欲苟活亦頗識去就之分矣何至自沈溺縲

力紕五臣本作之辱哉善曰孔安國曰縲紕墨索也紕

謂拘繫也言我亦識去就何至自沈且夫臧獲婢妾由

此辱蓋欲成先人之業故未能死也且夫臧獲婢妾由

能引決況僕之不得已乎善曰晉灼曰臧獲敗敵所破

爲妻生子曰獲奴以善人爲妻生子曰臧荆揚海岱淮

濟之間罵奴曰獲齊之北鄙燕之北郊凡人男而歸婢

謂之臧女而歸奴謂之獲皆異方罵奴婢之醜稱也

翰曰荆揚淮海之間呼奴爲臧呼婢爲獲言此卑賤之

流或有引決自殺者況我
不得已言當須自殺也

所以隱忍苟活幽

五臣本作函音含

於五臣本

糞土之中而不辭者恨私心有所不盡鄙陋

向曰不藉於生名者糞土中也言不辭糞土
之中者恨於私心有所不盡鄙陋謂修史也

沒世而文

采善本

不表於後世也

善曰論語曰君子疾沒世而名不稱 濟曰沒死也死於此代

文章之事不見於後世采事表見也

古者富貴而名

五臣本

磨善本滅不

可勝記唯倜儻非常之人稱焉

善曰廣雅曰倜儻卓異也 翰曰遷將述史記

云古之富貴名皆磨滅不可勝記而盡述之唯奇才高遠之人乃稱之也

蓋文王

五臣本作西伯二字

拘而演周易

善曰周易曰易之興也當文王與紂之事邪又曰作易者其有憂患邪史記本紀曰

崇侯譖西伯於殷紂曰西伯積善累德諸侯皆嚮之將
有不利於帝紂乃囚西伯於羑里西伯演易之八卦爲
六十四地理志曰河內湯陰有羑里城西伯所拘韋
昭曰羑音酉倉頡篇曰演引之也良曰演廣也仲

尼尼而作春秋

善曰史記孔子曰吾道不行矣何以自
見於後世哉乃約魯史而作春秋銑

曰孔子尼於陳
蔡還作春秋

屈原放逐乃賦離騷

善曰史記曰屈原
名平楚之同姓爲

楚懷王左司徒博文強志敏於辭令王甚任之上官大
夫與之同列心害其能懷王使屈原爲憲令原草藁未定
上官大夫見而欲奪之不與因讒之曰王使屈原爲令
衆莫不知每令出乎伐其功以爲非我莫能爲也王怒
而疎之平病聽之不聽作離騷經良曰
原事懷王遭放逐乃作離騷歌以諷之也左丘失明厥
有國語

善曰漢書曰國語左丘明著失明未詳良
孫曰左丘左丘明也失明謂無目也厥其也

子臆

忍

脚兵法修列

善曰史記曰孫臆與龐涓俱學兵法涓事魏惠王自以爲能不及臆

乃陰使人召臆臆至涓恐其賢於已則以法刑斷其兩足而黥之欲隱勿見齊使者田忌善客待之於是田忌進孫子於威王威王問兵法而師之其後魏伐趙趙急請救於齊齊威王欲將臆臆曰刑餘之人不可於是乃以田忌爲將而孫子爲師居輜車中主爲計謀田忌從之魏果去邯鄲與齊戰於桂陵大破魏軍濟曰孫臆與龐涓俱學兵法涓旣事魏使人召臆臆至恐其賢於已乃刑斷其兩足而黥之刑斷足曰臆也因此時皆呼爲孫臆修

不韋遷蜀世傳呂覽

善曰史記曰呂不韋大賈人也莊襄王卽位三

年薨太子政立爲王尊不韋爲相國號仲父當是時魏有信陵楚有春申趙有平原齊有孟嘗皆下士嘉賓以相傾呂不韋以秦之強大受其厚遇乃致食客三千人是時諸侯多辯士如荀卿之徒著書布於天下不韋乃

使其客八人著所聞集論爲八覽十二紀三十餘萬言以爲備天下之物古今之事號曰呂氏春秋布咸陽市門懸千金其上延諸侯遊士賓客有能增損一字與千金及始皇帝壯太后通不韋恐禍及己私求嫪毐爲舍人詐令以腐罪告之遂得侍太后與太后通九年人告嫪毐實非宦者下吏治之得情實事連相國秦王恐其爲變乃賜不韋書曰君何功於秦秦封君河南食十萬戶君何親於秦號稱仲父後與家屬徙處蜀飲鴆而死

翰曰秦始皇遷呂不韋於蜀於是著書以爲八覽六論十二紀名呂氏春秋而代傳讀之言覽者謂八覽六

韓非囚秦說難孤憤

善曰史記曰韓非者韓之公子也見韓稍弱以書諫王王不能用非

心廉直不容於邪枉之臣觀往者得失之變故作孤憤五蠹說難十餘萬言秦王見孤憤五蠹之書曰嗟乎寡人得見此人與游死不恨矣李斯曰此韓非所著書秦因急攻韓韓乃遣非使秦秦王悅之未信用李斯姚賈

毀之曰韓非韓之諸公子也今王欲并諸侯非終爲韓
不爲秦此人情也今王不用久畱不歸之此自遺患也
不如以過法誅之秦王以爲然下吏治非李斯使人遺
藥使自殺韓非欲自陳不得見秦王後悔之使人赦而
非已死矣說難孤憤韓子之篇名也翰曰韓非入秦
爲李斯毀之下獄而非先著孤憤說難十餘萬言秦王
悅之此乃書奏秦王後李斯方毀之下獄非囚而
後作也遷但取比類以有才不見用而遭刑也詩三

百篇大底

音賢聖

善本作

發憤之所爲

于

作也善曰論語曰詩

三百孔安國曰篇之大數也爾雅曰底致也向曰底致也言詩三百篇此大雅之致而聖賢發憤之所作也

此人皆意有所

善本無所

鬱結不得通其道故述往事思來

者善曰言故述往前行事思今將來人知己之志翰曰述往古興亡賢愚之事思來者以作戒也

乃

作及如左丘無目孫子斷管足終不可用退而論書

策以舒其憤思垂空文以自見

善曰空文謂文章也自見已情濟曰策卽兵

法也言身遭刑餘不堪爲用是垂空文以自見其志也

僕竊不遜近自託於無能

之辭

善曰論語子曰唯女子與小人爲難養也近之則不遜濟曰遜順也言我不順於古人志謙也近

自託憤思於不才之辭無能猶不才也

網羅天下放失舊聞

向曰言網羅天下放棄亡

失之文舊聞謂先賢所傳而聞之也

略考其事綜其終始

銑曰考量綜理也言所述史記

略量古人行事理其終始也

稽其成敗興壞之紀

翰曰稽考壞亡紀記也

上計

軒轅下至于茲

翰曰軒轅黃帝也于茲漢武也

爲十表本紀十二書八

章世家三十列傳七十凡百三十篇

濟曰史記凡一百三十卷

亦欲

以究天人

五臣作地

之際通古今之變成一家之言

向曰究盡也謂

人事成敗天文地理亦可以

草創未就會遭此禍

良曰草創

制作會逢也言作史記未成遭此刑矣

惜其不成是以善無是字

就極刑

而無愠色

銑曰當被刑時惜所述作未成故就此刑而無恨色不然亦自我而死也

僕誠已

善作

著此書藏之

善作諸

名山

良曰言當時無聖人可傳以示之故深藏之名山

之其人通邑大都

善曰其人謂與己同志者也

濟曰

傳大邑都也

則僕償前辱之責

良曰償還也遷恥辱前刑負責於國今史且成可以還於

所負也

雖萬被戮豈有悔哉

向曰雖萬度被刑戮亦無悔恨矣

然此可爲

智者道難爲俗人言也

銑曰俗人不知難爲言之

且負下未易居下

流多謗議

善曰負累之下未易可居

論語曰君子惡居下流而誦上者

銑曰且負忠義之節而爲

僕以口

五臣本作此

臣下者其地不易居下流至賤左右邪佞多生謗議君則信也

此禍

翰曰此語忠義之語論李陵功也

重

逐爲鄉里所戮

善本無戮

笑

翰曰朝廷

以辱笑是一也爲鄉黨辱笑是重也戮辱也

以汚

烏辱先人亦何面目復上

父母之

善本無之

丘墓乎雖累百世垢彌甚耳

銑曰垢穢也

是以

腸一日而九迴

翰曰憂思迴復於心腸一日至九九數之極也

居則忽忽若有

所亡出則不知其所往

善曰莊子魯哀公問仲尼曰衛有惡人焉曰哀駘佗去寡人而

行寡人恤焉若有亡也

庚桑子曰吾聞至人尸居環堵之室不知所如往

銑曰忽忽愁亂貌亡失也

往憂而心迷也

每念斯恥汗未嘗不發背霑衣也

良曰斯恥謂被刑也

直爲閨閣之臣寧得自引

善本有於

深藏巖穴邪

濟曰閨閣臣閨官引

出故且從俗浮沈與時俯仰以通其狂惑

善曰鬻子曰吾聞之於政

也知善不行者謂之狂知惡不改者謂之惑夫狂與惑聖人之戒也

濟曰隨時吉凶高下以生也

俯下仰高也狂惑謂小人也言將順從與之通游焉

今少卿乃敎以推賢進士無

乃與

五臣本無與

僕私心刺謬

五臣本從乎

向曰刺戾也

心戾誤

不同也今雖欲自彫琢曼

音辭以自飾善曰如淳曰曼

泰曰夫從人飾辯曼辭高

生之節行銑同善注

無益於俗不信

銑曰雖欲自飾其美恐益

爲人俗所不信也

祇善本作適

足取辱耳

良曰耳辭也

要一之死日然後

是非乃定

翰曰遷自言及死後名譽流於千載也要及也

書不能悉意

五臣本有故

略陳固陋

翰曰固猶鄙也

謹再拜

報孫會宗書

楊子幼

善曰漢書云楊惲字子幼華陰人以才能稱譽爲常侍騎與太僕戴長樂相失

坐事免爲庶人惲見己失爵位遂卽歸家閒居自治產業起室以財自娛歲餘友人安定

太守西河孫會宗與惲書誠諫之言大臣廢退當杜門惶懼爲可憐之意不當治產業通賓客有稱譽惲乃作此書報之濟曰同善注惲見廢內懷不服其後有日蝕之變人告惲驕奢不悔過日蝕之咎此人所致下廷尉按驗又得與會宗書宣帝惡之遂腰斬之

惲材朽行

五臣作行朽

穢文質無所底

音旨

善曰論語曰

包氏曰彬彬文質相半之貌也

幸賴先人餘業得備宿衛

翰曰先人

餘業謂惲父敞爲丞相也常侍散騎宿衛官人也故此言之

遭遇時變以獲爵位

善曰

漢書曰霍氏謀反惲先聞知霍氏伏誅惲封爲平通侯向曰霍氏伏誅此曰時變也惲以此有功終非

其任卒與禍會

良曰非其任者謙也禍會謂見廢也卒亦終也

足下哀其愚矇

賜書教督以所不及殷勤甚厚

善曰爾雅曰督正也銑曰矇暗督正也所不

及謂智所不能及

然竊恨足下不

五臣本無不

深惟其終始而猥隨

俗之毀譽也

濟曰惟思也猥猶曲也言其深思事之終始乃曲隨俗中相毀譽也

言鄙陋

之愚心則若逆指而文過

善曰言逆會宗之指自文飾己之過論語子曰小人之過

也必文孔安國曰文飾其過不言實也曲隨毀譽有書見責憚故言鄙陋愚心以報答此理又如逆會宗指意以憚爲文飾其過

默而息乎

善本作默而自守

恐違孔氏各言

爾志之義

善曰論語曰顏淵季路侍子曰盍各言爾志翰曰若默息不言則違孔子各言爾志之

義故敢略陳其愚唯君子察焉

向曰君子謂會宗

憚家方隆盛

時乘朱輪者十人

善曰二千石皆得乘朱輪 銑曰謂父敝爲丞相也朱輪以丹漆塗車轂

十人謂宗族十人乘之也

位在列卿爵爲通侯摠領從官與去聲聞政

事

善曰應劭曰舊曰徹侯避武帝諱故爲通言其功德通於王室也從天子侍從官也 濟曰摠領羣官之

長與聞國家政事

曾不能以此時有所建明以宣德化翰曰建

不能有所立明正之道以宣布天子德化

又不能與羣僚同心并力陪輔朝

廷之遺忘

音望 向曰僚官陪助輔正也言又不與羣僚同心并力助朝廷遺忘闕失之事

已

負竊位素飡之責久矣

善曰論語曰臧文仲其竊位者歟知柳下惠之賢而不與立毛

詩曰彼君子兮不素飡兮

銑曰竊偷也素猶空也言不能宣化輔遺是偷安官位食天子之祿也已負此責

久懷祿貪勢不能自退善曰曾子曰君子不遂遭變故

橫被口語身幽北闕妻子滿獄善曰口語卽戴長樂所告也如淳漢書注曰上

章者於公車有不如法者以付北軍尉北軍尉以法罰之楊惲上書遂幽北闕公車門所在也良曰變故口

語謂見廢也惲禁在北闕不在常禁人之所謂帝宮內當此之時自以夷滅不足

以塞責

善曰史記曰司馬欣謂章邯曰趙高欲以法誅將軍塞責濟曰夷殺塞止也豈意善本

無得全

善本有其

首領復奉先人之丘墓乎

善曰左氏傳宋公曰若以大夫

之靈得保首領以沒于地伏惟聖主之恩不可勝量音良惟思也君子游

道樂以忘憂

善曰史記曰陳平遊道日廣論語曰樂以忘憂向曰游無欲之道小人全

軀說以忘罪

善曰楚辭曰與波上下偷以全吾軀兮
銑曰軀身也忘罪謂悅樂忘昔日之罪

竊自思

善本無思

念過已大矣行已虧矣長爲農夫以沒世

矣

良曰沒終也

是故身率妻子戮力耕桑

善曰國語曰戮力一心

灌園

治產以給公上

善曰蘇林漢書注曰充縣官之賦斂
濟曰治執作也公君也以給君上之賦

稅謂免官爲

庶人故也

不意當復用此

五臣本有以

爲譏議也

五臣本無也

翰曰言不意會宗以治產業起

夫人情所不能止者聖

人弗

五臣本作不

禁

向曰人之情好不可止者故雖聖人弗可禁也

故君父至尊親送

其終也

五臣本無也

有時而旣

善曰終謂終沒也旣盡也張晏漢書注曰喪不過三年臣

見放逐降居三月復初銑曰既盡也言君父至尊然臣親送其終亦已掩壙其哀有時而盡也臣之

得罪已三年矣田家作苦歲時伏臘善曰漢書曰秦繆公作伏祠孟康曰

六月伏日也風俗通禮傳曰夏曰嘉烹羊炰羔斗酒自

平殷曰清祀周曰大蜡故改爲臘

勞良曰憚自謂也上言親送其終有時哀盡況我得罪

已三年矣田家之作多所勤勞之苦伏臘歲節以勞

宴爲樂焉烹家本秦也能爲秦聲翰曰謂作樂也婦趙

煮魚炙也秦聲擊缶也女也雅善鼓琴五臣本作瑟奴婢歌者數人酒後耳熱仰天

撫缶而呼嗚嗚善曰應劭漢書注曰缶瓦器也秦人擊之以節歌李斯上書曰擊甕扣缶而呼

嗚嗚快耳者眞秦聲也濟曰其詩曰田彼南山蕪穢

缶樂器陶土爲之嗚嗚聲也

不治種一頃豆落而爲箕

善曰張晏漢書注曰山高在陽人君之象也蕪穢不治朝

廷荒亂也一頃百畝以喻百官也言豆者貞直之物零落在野喻已見放棄也箕曲而不直言朝臣皆諂諛也臣瓚按田彼南山蕪穢不治言於王朝而遇民亂也種一頃豆落而爲箕雖盡忠効節徒勞而無獲也向曰田作也南山陽地而膏腴以喻其君良曰喻朝政亂也銑曰一頃百畝也喻百官也箕豆莖也言百官無才若豆零落不實空有

人生行樂耳須富貴何時

向曰須待

也言國既無道但當行樂欲待富貴職位亦何時也言不可求之

是日也拂衣而喜奮

袖低昂

五臣本作仰

傾足起舞

向曰奮舉也低仰高下也

誠淫荒無

五臣本有

一度不知其不可也

銑曰樂之極也事不可爲但適性而已

憚幸有餘

祿

五臣本

方

五臣本

糴賤販貴逐什一之利

善曰什一謂十中之

一作力 一也尚書大傳曰王者十一而稅

良曰糴其時

此賈

之賤者乘貴而出之十分中取一分利也販易也

豎之事汚

鳥

辱之處憚親行之

濟曰賈賈賣也豎小人也求利則爲汚辱之處

下流之人衆毀所歸不寒而慄

善曰言處下流爲衆惡毀所舉 翰曰我在下

流之中衆人毀聲所歸集不寒而懷戰慄言懼也

雖雅知憚者猶隨風而靡尚

何稱譽之有

善曰楚辭曰世從容而變化隨風靡而成行 向曰雅知者謂會宗也言會宗猶復

隨口如風之靡草亦何求稱善之譽 董生不云乎明明

求仁義常恐不能化民

五臣本

者卿

五臣本

大夫之意

作人

無卿

也明明求財利常恐之

五臣本無之

困乏者庶人之事也

善曰

漢書董仲舒對策曰夫皇皇求財利常恐匱乏者庶人之意也皇皇求仁義常恐不能化人者大夫之意也

銑曰董仲舒對策文也求仁義之人以居位常恐不堪化理天下此大夫之意故道不同不相

爲謀

翰曰大夫庶人道不同也我亦與子殊矣

今子尚安得以卿大夫之制

而責僕哉

善曰論語曰道不同不相爲謀言今我親行賈豎之事安得責我卿大夫之制乎

濟曰

謂復爲庶人也

夫西河魏土文侯所興有段干木田子方之遺

風凜然皆有節槩知去就之分

善曰史記李克謂翟璜曰魏成子東得子夏田

子方段干木此三人者君皆師之良曰西河會宗居處也魏文侯所興段干木田子方皆清素節槩之人言

會宗當得其遺風知去就之分理凜然高遠貌也

頃者足下離舊土

善曰謂臨去西河

安定安定山谷之間昆夷

五臣作戎

舊壤子弟貪鄙豈習俗

之移人哉

善曰毛詩曰文王西有昆夷之患北有獫狁之難鄭玄曰昆夷西戎也言豈隨懷安貪鄙

之俗而移人之本性哉向曰昆戎西戎也其人士多貪鄙之性如子有節槩清素之風豈能使鄙俗習子

之風而移其人心乎於今乃睹

五臣本作觀丁古切子之志矣方

當盛漢之隆願勉旃無多談

翰曰勉彊旃之也言願子彊爲國家之事無多談以

憂及我也

論盛孝章書

孔文舉

善曰與魏太祖虞預會稽典錄曰盛憲字孝章器量雅偉舉孝廉補尚書郎遷

吳郡太守以疾去官孫策平定吳會誅其英豪憲素有名策深忌之初憲與少府孔融善憂其不免禍乃與曹公書由是徵爲都尉詔命未至果爲權所害子匡奔魏位至征東司馬 翰曰是書與魏太祖曹操也會稽典錄云盛憲字孝章會稽人也漢末爲吳郡太守孫策定江東以憲江東首望恐人歸之囚禁欲殺之故融作書論之欲使曹公致書於吳以救之書未致已誅矣初盛憲爲臺郎路逢童子容貌非常憲怪而問之答曰魯國孔融時年十餘歲憲以爲異乃載歸與之言知其奇才便結爲兄弟升堂見親也

歲月不居時節如流

善曰國語文姜曰日月不居人誰不安傳毅詩曰徂年如流渺茲暇

日五十之年忽焉已至公爲始滿融又過二

善曰公謂曹操言公

年始滿五十融過於二歲也向曰海內知識零落殆

盡銑曰零落死也殆近也惟善本會稽盛孝章尚存五臣本其人

困於孫氏妻孥湮沒善曰毛詩曰樂爾妻孥孔安國尚書大傳曰孥子也良曰孫氏謂

策也孥子也湮沒謂喪亡也單子獨立濟曰無右臂曰子言孤危愁

苦若使憂能傷人此子不得復善本永年矣春秋傳曰

諸侯有相滅亡者桓公不能救則桓公恥之善曰公羊傳曰邢亡

孰亡之蓋狄滅也曷爲不言狄滅之爲桓公諱也曷爲爲桓公諱上無天子下無方伯天下諸侯有相滅亡者

桓公不能救則桓公恥之翰曰齊桓公也時桓公爲諸侯長故有相滅亡者必救之不救則恥弱也言曹公雄霸比於桓公欲使救盛憲於吳故云此今孝章實丈夫之雄也天下談士

依以揚聲

向曰孝章好士故天下談文史之士皆依倚孝章以發揚美聲

而身不免於

幽執

善本作繫

命不期於旦夕

銑曰幽執囚也不期朝夕言欲將見殺也

是善本無是

吾祖不當復論損益之友而朱穆所以絕交也

善曰論語子曰

益者三友損者三友漢書曰朱穆感世澆薄莫尚敦厚

著絕交論以矯之

良曰吾祖謂孔子融是二十一代

孫朱穆著絕交論識時人澆薄於交道也言今孝章公

有此困厄若不救之是無損益之友而有澆薄之譏誠能馳一介之使加咫尺之書

善曰左氏傳晉行人子員對鄭王子伯駢曰君

有楚命不使一介行李告於寡君漢書廣武君曰發一乘之使奉咫尺之書濟曰一介謂單使也長八寸曰

咫尺言加短書以言之則可不假多則孝章可致友道可弘矣五臣本作

可致可弘今之少年喜謗前輩或能譏平皮柄切善孝章

翰曰平議也言譏孝章要一為有天下大名九牧之人

所共稱歎善曰九牧猶九州也左氏傳王孫滿曰貢金九牧孫卿子曰文王鑒於殷紂此其所以伐

殷王而受九牧銑曰要盛也孝章雖為少年謗燕君

議然盛為有天下大賢之名九州牧伯皆共稱歎燕君

市駿馬之骨非欲以騁道里乃當以招絕足也善曰戰

隗謂燕昭王曰臣聞古之人君有市千里馬者三年而不得於是遣使者齎千金之貨將市於他國未至而千

里之馬已死使者乃以五百金買死馬之骨以歸其君大怒曰所求者本不市死馬何故損金市死馬乎將誅之使者對曰死馬尚市之況生者乎天下必知君之好也馬將至矣於是暮年而千里馬至者三馬良曰此則非欲騁道里蓋欲以招遠近之駿足也言孝章縱非賢良可收天下名望以救之必知公好賢賢人必至而用之餘惟公匡復漢室宗社將絕又能正之正之之善同善注

無一

術實須得賢

向曰正猶繼也言漢室危亂宗社將絕公能匡正復其帝位而繼之繼之

之術實須得賢人而共佐成之

珠玉無蹉

胡定

而自至者以人好之也況

賢者之有足乎

善曰韓詩外傳曰蓋胥謂晉平公曰珠出於海玉出於山無足而至者好之也

士有足而不至者君不好也深山廣海且無足而至者時君好之故也況賢人者有

銑曰蹉足也珠玉遠在

足而君王好之
而不來者乎
昭王築臺以尊郭隗
隗雖小才而逢大

遇竟能發明主之至心
故樂毅自魏往
劇辛自趙往
鄒

衍自齊往

善曰史記曰燕昭王於破燕之後卑身厚幣以禮賢者謂郭隗曰齊因孤之國亂而襲破

燕孤知國小力少不足以報然誠得賢士與共圖以雪先王之讎也願先生視可者得身事之隗曰王必欲致士先從隗始况賢於隗者豈遠千里哉於是昭王爲隗改築宮而師事之樂毅自魏往鄒衍自齊往劇辛自趙往

破齊國威震諸侯

翰曰同善注乃

嚮

善本作向字

使郭隗倒懸而王不解

居蟹

臨溺

善本作難

而王不拯則士亦將高翔遠引以莫有北

首
燕路者矣

善曰孟子曰當今之時萬乘之國行仁政民悅而歸之猶解倒懸也又曰今燕

虐其人而王征之人以爲將拯已於水火之中也漢書
廣武君曰牛酒以享士大夫北首燕路濟曰向若郭
隗勤誠雖如倒懸之急而王不爲解急臨在沈溺又不
拯濟則賢士亦將以遠去無有北向燕路者賴王賢明
好賢之至乃得羣凡所稱引自公所知而復五臣本有
賢也引去首向也無復云者欲公崇篤斯義也善本無也銑曰稱引謂稱引
公崇厚招賢之義也篤因表不悉良曰言因孝章以表
厚也斯義招賢之義也也盡也

爲幽州牧與彭寵書

朱叔元

善曰范曄後漢書曰朱浮字叔元沛國
蕭人也初從世祖爲大司馬主簿遷偏

將軍從破邯鄲後乃爲大將軍幽州牧守薊城浮少有才能頗欲勵正風迹收士心辟召州中涿郡王岑之屬以爲從軍事及王莽時故吏二千石皆引置幕府乃多發諸郡倉穀贍其妻子漁陽太守以爲天下未定不宜多置官屬以費軍實不從其令浮密奏寵遣吏迎妻而不迎其母又受貨賄殺害友人多聚兵穀意計難量寵旣積怨聞遂大怒舉兵攻浮浮以書責之 翰曰同善注後爲大司空坐事賜死也

蓋聞智者順

五臣本作慎

時而謀愚者逆理而動常竊悲京

城太叔以不知足而無賢輔卒自棄於鄭也

善曰左氏傳曰鄭武

公生莊公及共叔段姜氏愛共叔段欲立之亟請於武公公弗許及莊公卽位爲之請制公曰制巖邑也虢叔

死焉佗邑唯命請京使居之謂之京城太叔既而太叔令西鄙北鄙貳於己公子呂曰國不堪貳君將若之何公曰不義不昵厚將崩太叔完聚繕甲兵具卒乘將襲鄭公聞其期曰可矣命子封帥車二百乘以伐京京叛太叔段段入于鄆公伐諸鄆五月辛丑太叔出奔共書曰鄭伯克段于鄆向曰同善注太叔出奔是自棄於鄭伯通以名字典郡有佐命之功臨民五臣本作人親職愛

惜倉庫

善曰名字謂聲譽遠聞也漢書曰陳遵劉竦俱著名字李陵報蘇武書曰其餘佐命立功之士

銑

曰伯通彭寵字名字謂聲譽也典郡謂太守也佐命天子命也

而浮秉征伐之任欲

權時救急二者皆爲國耳

善曰言朱浮所以招致賓客者此亦權時救急也翰曰

秉執也

卽疑浮相譖何不詣闕自陳而爲族滅

善本作之族

計乎

良曰言寵疑浮以引置王莽故吏而有異心欲以此相譖於主上何不詣天子闕下自陳說所由起

兵作逆爲誅夷之事

朝廷之於伯通恩亦厚矣委以大郡任以威

武事有柱石之寄情同子孫之親

善曰蔡邕獨斷云朝廷者不敢指斥君故

言朝廷漢書大司農田延年謂霍光曰將軍爲國柱石翰曰朝廷天子也柱石如屋下柱石然受重寄之義

匹夫媵

以證

母尚能致命一食

善曰左氏宣公二年傳曰初趙宣子畋于首山見靈

輒餓問其病對曰不食三日矣食之舍其半問之曰宦三年矣未知母之存否今近焉請以遺使盡之而爲之簞食與肉旣而與爲公介靈公比以趙盾驟諫伏甲將攻殺之靈輒乃倒戟以禦之又戰國策曰楚王伐中山中山君亡有二人荷戈而從之中山君顧二人曰子何爲者對曰昔臣之父嘗餓且死君捨食以舖臣父臣之

父且死曰中山君有事汝必赴之是以今來死君之難
中山君曰以一杯羹而亡國以一食而獲二死士媵母
未詳向曰匹夫媵母皆卑賤無識之人言此無
識之人有感一食之惠尚能致死命以報惠也豈有

身帶三綬職典大邦而不顧恩義生心外叛者乎

善曰三綬

者古人兼官者一官一綬也范曄後漢書曰更始使謁
者韓鴻持節徇北州承制得專拜二千石以下鴻至薊
以寵鄉閭故人相見大喜拜寵偏將軍行漁陽太守世
祖又以書招寵寵乃發步騎三千人歸世祖世祖承制
封建忠侯賜號大將軍銑曰言寵身帶三官綬綬服
飾也大邦漁陽也良曰言匹夫之類尚感恩惠而寵
受天子厚恩深義心生背叛也伯通與吏民語何以爲顏行步拜起何
以爲容濟曰言其不顧恩義而爲背叛坐臥念之何以

爲心

翰曰言豈不內愧也

引鏡窺影

善本作景

何以無以

施眉目

向曰

窺見影也言其引鏡見影豈不恥哉

舉厝

五臣本作措

建功何以爲人

銑曰舉措猶進

退也建立也言進退自思受主厚恩乃欲立功自建何以爲人生於天地間也

惜乎棄休令之

嘉名造梟

古堯鵠夷

之逆謀

良曰休美令善嘉順也梟鵠不孝鳥也先食母而後飛以

喻逆臣子也

捐傳葉之慶祚

良曰言光武封寵爲建忠侯可傳後葉子孫慶善福祚也

招

破敗之重災

翰曰謂謀逆必見破敗也

高論堯舜之道不忍桀紂之

性生爲世笑死爲愚鬼不亦哀乎

向曰言寵爲叛逆常高論堯舜之美道而

不棄桀紂之惡性生生死可哀

伯通與耿俠游俱起佐命同被

皮國恩義

善曰范曄後漢書曰吳漢說寵從世祖會上谷太守耿況亦使功曹寇恂詣寵結謀共歸世祖又曰況字俠游

銑曰上谷太守耿況字俠游與寵俱起義心佐光武之命

俠游謙讓

五臣本作議

屢有

降挹之言而伯通自伐以爲功高天下

善曰倉頡篇曰挹損也孔安國

尚書傳曰自功曰伐良曰降挹臣伏也而伯通心懷不義自矜恃其功以爲高於天下也自矜功曰伐

時遼東有豕生子白頭異而獻之行至河東見羣豕皆

白懷慙而還若以子之功

善本有

高論於朝廷則爲遼東豕

也善曰白頭豕未詳

向曰遼東人以白頭豕爲奇異獻之天子翰曰言寵自矜伐其功以爲天下第一

朝廷之人如寵功者不少今乃愚妄自比六國

善曰張晏漢書

注曰齊燕楚韓趙魏向曰時伯通自六國之時其勢
號國爲燕故自比於昔者六國之時

各盛廓土數千里勝兵將百萬銑曰廓開也勝疆故能
也將猶近有也

據國相持多歷年所良曰所今天下幾里列郡幾城濟

幾者假設問辭言今天下數也奈何以區區漁陽而結怨天

子善曰區區言小也公羊傳曰司馬子反謂楚王曰以
區區之宋猶有不欺之臣翰曰區區小貌結怨天

子謂怨光武不以故舊禮接之善本此猶河濱之人作民捧

土以塞孟津多見其不知量也善曰論語曰叔孫武叔

月也無得而踰焉人雖欲自絕其何傷於日月乎多見
其不知量也向曰孟津河流也以一捧之土塞之難

矣而人多見此人不知事宜不量其力亦如寵以一小郡欲結怨以敵天下之心也方今天下適

定海內願安士無賢不肖皆樂力立名於世

銑曰不肖愚也皆歡

樂而立忠義之名於時也世謂時世也

而伯通獨中風狂走自捐盛時

良曰

言寵之叛逆如病者中風而徒狂走無所成事終自棄死不見漢之盛時

內聽嬌婦之失計

外信讒邪之諛言

善曰東觀漢記曰浮密奏寵上徵之寵既自疑其妻勸寵無應徵今漁陽

大郡兵馬衆多奈何爲人所奏而棄此去寵與所親信吏計議吏皆怨浮勸寵止不應徵

濟曰寵常與妻度

計軍國事諛虛也

長爲羣后惡法永爲功臣鑒戒豈不誤哉

善曰

或本云永爲羣后惡法今檢范曄後漢書有此一句然東觀漢記亦載此書大意雖同辭旨全別蓋錄事者取

欽定四庫全書

舍有詳略矣翰曰寵為叛逆必見誅戮則為同時立功之臣指之以為見惡而戒身也實為誤我鑒見也

定海內者無私讎勿以前事自疑向曰言光武不計私讎寵勿以前事有過

懼誅疑而不願雷意顧老母少五臣弟誅必害老母幼

改逆歸順也弟願雷意改凡舉事無為親厚者所痛良曰不義而死

節以顧母弟而為見讎者所快善曰范曄後漢書曰寵齋獨在便室

牀又以寵命呼其妻妻入大驚昏夜後解寵手令作記告城門將軍云今遣子密等至子后蘭卿所速開門出

勿稽雷之書成即斬寵及妻頭置囊中便持記馳出城因以詣闕封為不義侯濟曰後見誅斬為讎者所快

也

爲曹洪與魏文帝書

善曰魏志曰曹洪字子廉太祖從弟也

陳孔璋

善曰陳琳集曰琳爲曹洪與文帝牋文帝集序曰上平定漢中族父都護還書

與余盛稱彼方土地形勢觀其辭如陳琳所敘爲也向曰曹洪字子廉文帝從父琳爲

之作書報文帝文帝觀其辭知琳所爲

十一月五日洪白前初破賊情侈善本作參意奢說事頗過

古其實

翰曰破賊情喜放奢侈說事過實賊謂破蜀將張魯也

得九月二十日書

善曰得文帝書

讀之喜笑把玩無厭亦欲令陳琳作報琳頃多

事不能得爲

良曰言琳公事多

念欲遠以爲歡故自竭老夫之

思

善曰左氏傳趙孟曰老夫罪戾是懼 銑曰曹洪不

工爲文辭多令人所歡弄故云自竭其思念使文帝

爲歡辭多不可一二粗祖舉大綱以當談笑

濟曰一二委曲也

漢中地形實有險固四嶽三塗皆不及也

善曰左氏傳司馬侯曰四

嶽三塗九州之險也杜預曰東嶽岱南嶽衡西嶽華北

嶽恒三塗在河南陸渾縣南向曰漢中謂蜀也四嶽

四方之嶽

彼有精甲數萬臨高守要一夫

善本揮戟萬

三塗山名

人善本不得進

善曰漢書朱買臣曰一人守險千人不得上 翰曰彼謂蜀山

而我軍

過之若駭鯨之決細網奔兕之觸魯縞

古未足以喻其

易

善曰漢書韓安國曰彊弩之末力不能入魯縞音義

曰縞曲阜之地俗善作之尤爲輕細故以喻之爾雅

曰縉之細者曰縞 銑曰駭驚也鯨大魚也長千里細網魚網也魯縞細縞也言我軍過彼險固若大魚之破

密網奔兕之觸細縞其破甚易猶未足爲喻言更易也兕猛獸也

雖云王者之師有征

無戰

善曰漢書淮南王安上書曰臣聞天子之兵有征伐而罪者不敢拒戰也

不義而彊

其良

古人

五臣本作今

常有

善曰左氏傳叔向謂趙孟曰不義而彊其斃必速

良曰不義謂逆也言

逆臣故唐虞之世蠻夷猾夏

善曰尚書舜典曰咎繇蠻夷猾夏寇賊姦宄

翰曰

猾亂也夏謂中國

周宣之盛亦讎大邦詩書歎載言其難也

善注

同 翰曰言夷狄大國之讎敵也詩云蠢爾蠻荆大邦爲讎書云蠻夷猾夏寇賊姦宄此爲詩書所歎載也皆

謂其難敵也

斯皆憑阻恃遠故使其然是以察茲地勢謂爲

中才處之殆難倉卒

善曰司馬遷報任少卿書曰夫中才之人

氣銳曰察蜀之地勢言中庸處之難以急取也殆近也倉卒謂急速也

來命陳彼妖惑之

罪序王師曠蕩之德豈不信然

善曰文帝答洪書曰今魯包凶邪之心肆蠱惑

之政天兵神拊師徒無暴樵牧不臨帝書陳彼賊妖惑之罪曠蕩威大也豈不信然謂豈不

向曰來命謂文

如此

是夏殷所以喪苗扈所以斃

婢袂反

善曰尚書

弗率汝徂征又曰啓與有扈戰于甘之野

良曰夏殷

桀紂也無道所以喪亡苗有苗不歸舜舜命禹討之扈

氏威侮五行竝爲暴亂故以見斃斃死也

我之所以克彼之所以敗也

翰曰有道

則勝無道則

不然商周何以不敵哉

善曰左氏傳闕廉曰師克在和不在

衆商周之不敵君之所聞也 濟曰商紂也周武王也
言若非有道伐無道不然則紂與武王何以不敵也蓋
爲紂無 昔鬼方聾昧崇虎 五臣本作虐 讒凶殷辛暴虐三者
道故然

皆下科也然高宗有三年之征文王有退修之軍盟 孟音

津有再駕之役 善曰三科之中此等爲下科周易曰高
宗伐鬼方三年克之左氏傳曰子魚言

於宋公曰文王聞崇德亂伐之軍三旬而不降退而修
德復伐之因壘而降尚書曰惟十有三年武王克殷又

曰一月戊午師渡孟津 向曰鬼方匈奴也聾昧言其
自不分別是非也崇侯虎紂之臣好讒邪也殷辛紂也

此三者皆下等也武王伐紂至 然後殪 音 殪 戎勝殷有此
于孟津而還歸是再駕役難也

武功焉 善本無焉字 善曰尚書曰天乃大命文王殪
戎殷誕受厥命 銑曰殪一也武王既退盟津

之師然後一服戎衣而

善本

勝殷紂成此武功也

善本

未作焉有星流景集颶奮

善本

善本

霆擊長驅山河朝至暮捷若今者也

五臣本作焉

善本

輕卒銳兵長驅至齊良曰焉何也星流景集颶舉霆擊言疾速也古之聖賢皆積年歲以克敵何有疾速長

驅山河之間朝至暮勝若今日之由此觀之彼固不逮

盛威也景日影颶風奮舉捷勝也

善本

下愚則中才之守不然明矣

善本

建及也有德則全無道則滅由此見之則張魯固不及

下愚之人則又知中才守險不如此則明矣不然猶不

如此

也

在中才則謂不然

善本

之則不可得也而來示乃以爲

善本

彼之惡稔雖有孫田墨髡而猶無所救竊又疑焉

善本

善本

答曹洪書曰今魯罪兼苗桀惡稔厲莽縱使宋翟妙機械之巧田單騁奔牛之誑孫吳勒八陣之變猶無益也向曰來示謂來書也稔積也孫孫武田田單墨翟翟之智墨翟妙巧之道禽滑釐之辯何者濟曰自發問上無所救之又將疑此理爲不然也文所疑將述其

理古之用兵敵國雖亂尚有賢人則不伐也是故三仁

未去武王還師

善曰論語曰微子去之箕子爲之奴比干諫而死孔子曰殷有三仁焉史記曰

周武王東觀兵於盟津諸侯皆曰紂可伐矣武王曰未知天命未可也乃還師間殺王子比干囚箕子於是曰殷有重罪不可不伐 銑曰三仁謂殷三人微子箕子比干是也武王欲伐紂聞此三人在朝武王乃還兵也

宮奇在虞晉不加戎

善曰左氏傳曰晉侯假道於虞以伐虢宮之奇諫曰虢虞之表也虢

亡虞必從之誘所謂輔車相依唇亡齒寒其虞虢之謂
乎弗聽宮之奇以其族行曰虞不臘矣在此行也不再
舉矣銑曰宮之奇虞之賢臣晉李梁五臣本作良猶在疆
欲伐虞以宮之奇在朝而不加兵

楚挫謀

善曰左氏傳曰楚王侵隨隨使少師董成闕伯
比言於楚子曰吾不得志於漢東也我則使然

我張吾三軍而被吾甲兵以武臨之漢東之國隨爲大
隨張必棄小國小國離楚之利也請羸師以張之熊率
且比曰季梁在何益注曰季梁隨賢臣也銑曰李
梁隨賢臣也楚將伐隨知季梁在而不爲伐挫止也

至衆賢奔紂

勅律

三國爲墟明其無道有人猶可救也

翰曰

暨至也衆賢謂上三仁及宮之奇季梁也三國謂殷虞
隨也及至此三國不用此衆賢之謀奔紂於外而三國
已亡故無道有賢人可救也墟謂丘墟無人矣且夫墨子之守縈帶爲垣高不

可登折箸爲械堅不可入

善曰墨子曰公輸爲雲梯必取宋於是見公輸九設攻城

之機變墨子九距之公輸般之攻城械盡子墨子之守圍有餘公輸般出而曰吾知所以距子矣吾不言子墨子亦曰吾知子之所以距我者吾不言之王問其故子墨子曰公輸子之意不過欲殺臣殺臣宋莫能守乃可攻也然臣之弟子禽滑釐三百人已持守圍之器在宋城上而待楚寇矣雖殺臣不能絕也楚王曰善吾請無攻

向曰公輸子爲雲梯將以攻宋墨翟聞之乃往解衣帶繞以爲城以箸爲械公輸之攻城械已盡矣而墨子之守不可入言其有道而妙

若乃距陽平據石門

善曰周地

圖記曰褒谷西有古陽平關劉淵林蜀都賦注曰石門在漢中之西向曰陽平古關名石門古鎮名並在蜀

據八陣之列

善曰雜兵書曰八陣一曰方陣二曰圓陣三曰壯陣四曰北陣五曰衝陣六曰輪陣

七曰浮沮陣八曰鴈行陣 向曰 騁奔牛之權 善曰史
據布騁馳也八陣謂孫吳兵法 記曰田

單爲將軍破燕城時以千餘牛爲絳繒衣畫以五綵龍
文束兵刃於角灌脂束葦於尾燒之鑿城數十穴夜縱
牛壯士五千人隨其後牛尾燕怒而奔燕軍夜大驚牛
尾炬火光明炫耀燕軍視之皆龍文所觸盡死傷五千
人因銜枚擊之而城中鼓噪從之老弱皆擊銅器爲聲
聲動天地燕軍大駭敗走齊人遂夷殺其將騎劫燕軍
大亂奔走齊人追亡逐北所過城邑叛燕歸田單而齊
七十餘城皆復爲齊乃迎襄王於莒 向曰田單守卽
墨城爲燕軍所攻單乃率城牛千餘頭畫以五色爲龍
文橫致刃於角束葦草灌油括於牛尾火燒之鑿城爲
穴夜縱牛出壯士五千人隨其後牛驚馬一肯土崩魚
痛而怒奔突燕軍燕人驚亂死傷無數 乾

爛哉

善曰漢書徐樂上書曰臣聞天下之患在於土崩
公羊傳曰其言梁亡何自亡也魚爛而亡何休注

曰魚爛自內發 向曰言張魯若距關鎮復用孫吳之法以布行列又用田單之權智何肯潰敗也土崩魚爛

謂潰敗也

設令守無巧拙皆可攀附則公輸已陵宋城樂毅

已拔卽墨矣

濟曰設令據守之人無有巧拙不由賢愚則其攻城者皆可攀附而上之則公輸已

上於宋城樂毅已拔齊於卽墨矣卽墨城名

墨翟之術何稱田單之智何貴

老夫不敏未之前聞

善曰左氏傳趙孟曰老夫罪戾是懼禮記檀弓曰我未之前聞 向

曰不敏猶不達也文帝言用賢智不救無道之國我未之聞於前古也

蓋聞過高唐者效

王豹之謳

一侯切而西河善謳

善曰孟子淳于髡曰昔王豹處淇

文當過高唐者效縣駒之歌但文人用之誤 翰曰高唐齊邑也善歌者縣駒居是焉而齊右之人皆善爲歌

者言風俗染人王豹亦善歌者居淇游睢息惟渙者學藻

今云過故高唐效王豹之謳歌也

績之綵

善曰陳畱記曰襄邑渙水出其南睢水經其北傳云睢渙之間出文章故其黼黻締繡日月華

蟲以奉于宗廟御服焉翰曰睢渙二水名其處人間能織藻績綵綺有游於此者亦將學其風土所爲也

自入益部仰司馬揚王之

善本無之

遺風有子勝斐然之志

善曰司馬相如揚雄王褒也墨子曰二三子復於子墨

子曰告子勝仁子墨子曰未必然也告子爲仁猶跂以

爲長偃以爲廣不可久也論語曰吾黨之小子狂簡斐

然成章翰曰我近自入益部乃亦仰司馬長卿揚雄

王褒之遺風將述文辭也間猶近故頗奮文辭異於他

也子勝猶小子也斐然彊進之貌

日怪乃輕其家丘謂爲倩

七人是何言歟善曰郗原別傳曰原遊學

詣孫菰菰曰君以鄭君而舍之以鄭君爲東家丘也原曰君以鄭君爲東家丘以僕爲西家愚夫邪 銑曰頗

少奮發也他日謂舊日也乃汝也魯人不識孔丘聖人乃云我東家丘者吾知之矣言輕孔丘也言汝輕我如

東家丘謂我文辭皆倩人所作是何言歟怪辭也 夫駮 驥垂耳於 善本 有林 垆牧

善本 無牧 鴻雀戢翼於汙 音池 善曰弔屈原曰驥垂兩耳服 鹽車爾雅曰野外謂之林林

外謂之垆周禮有牧田鴻雀鳥之通稱也毛詩曰鴛鴦在梁戢其左翼列子楊朱謂梁王曰鴻鴈高飛不集汙

池 良曰駮驥良馬也垂耳謂未效用其力故耳垂 褻也垆牧野外也鴻雀大鳥也戢斂也汙池小水也

之者固以爲園囿之凡鳥外廐之下乘也 善曰穀梁傳 晉荀息曰君

何不以屈產之乘借道乎公曰此晉國之寶也荀息及曰取之中廐置之外廐 濟曰褻輕也廐育馬所

其善本整蘭筋揮勁翮善曰相馬經云一筋從玄中出謂之蘭筋玄中者目上陷如井

字蘭筋豎者千里向曰蘭筋馬筋節堅者千里足也陵厲清浮顧盼善本千里

豈可謂其借翰於晨風假足於六駮補善曰爾雅曰晨風鸛也毛

詩曰隰有六駮毛萇曰駮如馬鋸牙食虎豹向曰厲

高也陵高清浮鴻也顧盼千里馬也言此亦可謂高飛

遠逝豈可借翰於六駮之恐猶未信丘言必大噓其也

駮晨風鸛也六駮馬名恐猶未信丘言必大噓略也

洪白善曰孟康漢書注曰丘空也此雖假孔子名而實以空爲戲也或無丘言二字漢書曰趙李諸侍中

皆談笑大噓說文曰噓大笑也翰曰丘虛噓笑也

文選卷四十一